



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

« 9/2 » հունիս 2018թ.

ք. Երևան, Ա. Դավթի 87Ա

ՈՐՈՇՈՒՄ N 1195/05-Վ

ԶԿԱՏԱՐՎԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի աշխատակազմի իրավաբանական վարչության պետ Ա. Մնացականյանն քննարկելով Ֆ/Ա ՌՈՄԱՆ ՀԱՐՈՒԹՅՈՒՆՅԱՆԻ վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների Ֆ/Ա ՌՈՄԱՆ ՀԱՐՈՒԹՅՈՒՆՅԱՆԻ (ՀՎՀՀ՝ 26535536, հասցե՝ ք. Երևան, Քանաքեռ 13 փ. 21 տ., պետ. գրանցման համար՝ 282.12910) հարկային մարմնի կողմից վերահսկվող եկամուտների գծով չկատարված պարտավորությունը 04.06.2018 թվականի դրությամբ կազմել է 1.064.039 դրամ, որից ապառք՝ 422.332 դրամ, տույժ՝ 263.222 դրամ, տուգանք՝ 378.485 դրամ:

Վերոնշյալ պարտավորության մասով Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ Ֆ/Ա ՌՈՄԱՆ ՀԱՐՈՒԹՅՈՒՆՅԱՆԻ չկատարված հարկային պարտավորությունները գանձելու վերաբերյալ վարչական ակտ ընդունելու նպատակով, որի մասին հարկ վճարողը 09.06.2018 թվականին պատշաճ կերպով ծանուցվել է, սակայն վճարումներ չի կատարել, չի ներկայացել վարույթի նյութերին ծանոթանալու համար և նշվածի վերաբերյալ որևէ առարկություն, բացատրություն չի հայտնել:

Ֆ/Ա ՌՈՄԱՆ ՀԱՐՈՒԹՅՈՒՆՅԱՆԻ 04.06.2018 թվականի դրությամբ հարկային մարմնի կողմից վերահսկվող եկամուտների գծով չկատարված պարտավորության տուգանքի գծով 378.485 դրամը առաջացել է 03.06.2014 թվականի թիվ 1109062 ստուգման ակտից:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **685.554** դրամ, որից

Եկամտային հարկի գծով պարտավորությունը կազմում է 572.469 դրամ, որից ապառք՝ 349.255 դրամ, տույժ՝ 223.214 դրամ, որն առաջացել է 2014 թվականի ապրիլից սեպտեմբեր ամիսների հաշվարկներից և 2014 թվականի ապրիլից դեկտեմբեր, 2015 թվականի հունվարից հուլիս ամիսների իրավահարաբերության պահին գործող <Եկամտային հարկի> 10-րդ հոդվածով սահմանված կարգով հաշվարկված եկամտային հարկի գումարներից /5000 դրամ/, և իրավահարաբերության պահին գործող <<Հարկերի մասին>> ՀՀ օրենքի 23-րդ հոդվածի համաձայն հաշվարկված տույժերից:

Շրջանառության հարկի գծով պարտավորությունը կազմում է 113.085 դրամ, որից ապառք՝ 73.077 դրամ, տույժ՝ 40.008 դրամ, որն առաջացել է 2014 թվականի 1-ից 3-րդ, եռամսյակների հաշվարկներից և իրավահարաբերության պահին գործող <<Հարկերի մասին>> ՀՀ օրենքի 23-րդ հոդվածի համաձայն հաշվարկված տույժերից:

Գանձման ենթակա չկատարված պարտավորության նկատմամբ ՀՀ հարկային օրենսգրքով սահմանված կարգով և չափերով հաշվարկվում են տույժեր:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ Օրենսգրքով սահմանված կարգով, չափերով և ժամկետներում: Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման նորից են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ սույն որոշումն ենթակա է անհապաղ կատարման: Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ Հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք:

Վերոգրյալի հիման վրա, ղեկավարվելով ՀՀ հարկային օրենսգրքի 398 հոդվածի 5-րդ կետով, «Հարկային ծառայության մասին» ՀՀ օրենքի 4-րդ հոդվածի 9-րդ մասով, ինչպես նաև

«Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

ՈՐՈՇԵՑԻ

1. Ֆ/Ա ՌՈՄԱՆ ՀԱՐՈՒԹՅՈՒՆՅԱՆԻՑ գանձել 685.554 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարանում:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ

Ա. ՄԱՅԱԿԱՆՅԱՆ

Ստացա որոշման օրինակը

ստորագրություն

հարկ վճարողի /կամ ֆիզ. Անձի/ պաշտ անձի անուն ազգանուն

ամսաթի

Կապ.՝ ԻՎ ՀԳ բաժնի գլխավոր մասնագետ,
Մ. Գրիգորյան, Հեռ. 011549191(9107)